



ქალაქ თბილისის მუნიციპალიტეტის საკრებულო



ბ ა ნ კ ა რ ბ უ ლ ე ბ ა № 342

6 აგვისტო
“ --- ” ----- 2021 წ

ქ. თბილისი

სს „საქართველოს ბანკის“ (ს/ნ. 204378869) საქმესთან დაკავშირებით რიგი
ღონისძიებების გატარების შესახებ

საქართველოს ორგანული კანონის - „ადგილობრივი თვითმმართველობის კოდექსი“
მე-16 მუხლის მე-2 პუნქტის „ლ“ ქვეპუნქტით, 24-ე მუხლის მე-2 პუნქტის, 61-ე მუხლის
მე-2 პუნქტისა და „სს „საქართველოს ბანკის“ (ს/ნ. 204378869) საქმესთან დაკავშირებით
რიგი ღონისძიებების გატარების შესახებ“ ქალაქ თბილისის მუნიციპალიტეტის
მთავრობის 2021 წლის 28 ივლისის №21.1020.1167 განკარგულების საფუძველზე, ქალაქ
თბილისის მუნიციპალიტეტის საკრებულო ადგენს:

1. მიეცეს თანხმობა ქალაქ თბილისის მუნიციპალიტეტის მერიას, ამ განკარგულების
დანართი 1-ის შესაბამისად გააფორმოს მორიგების აქტი სს „საქართველოს ბანკს“ (ს/ნ.
204378869) და შპს „თბილისის სატრანსპორტო კომპანიას“ (ს/ნ. 202886788) შორის.

2. მიეცეს თანხმობა ქალაქ თბილისის მუნიციპალიტეტის მთავრობას, შეთანხმების
გაფორმებაზე ამ განკარგულების დანართი 2-ის შესაბამისად სს „საქართველოს ბანკს“ (ს/ნ.
204378869), სს „თბილისი ბანკს“ (ს/ნ. 204854595) და შპს „თბილისის სატრანსპორტო
კომპანიას“ (ს/ნ 202886788) შორის.

3. განკარგულება, ერთი თვის ვადაში, შეიძლება გასაჩივრდეს თბილისის საქალაქო
სასამართლოს ადმინისტრაციულ საქმეთა კოლეგიაში (მისამართი: ქ. თბილისი, დავით
აღმაშენებლის ხეივანი, №64) კანონმდებლობით დადგენილი წესით.

ქალაქ თბილისის მუნიციპალიტეტის
საკრებულოს თავმჯდომარე

გიორგი ტყემალაძე

მორიგების აქტი

ქ. თბილისი

— 2021 წელი

(1) სს „საქართველოს ბანკი“ (ს/ნ: 204378869), შემდგომში („მოსარჩელე“), წარმოდგენილი [●] სახით;

(2) ქალაქ თბილისის მერიის მუნიციპალიტეტის მერია, წარმოდგენილი [●] სახით (შემდგომში - „პირველი მოპასუხე“),

(3) შპს „თბილისის სატრანსპორტო კომპანია“ წარმოდგენილი [●] სახით (შემდგომში - „მეორე მოპასუხე“),

(შემდგომში ერთობლივად - „მხარეები“),

ვდებთ მორიგების აქტს შემდეგზე:

პრეამბულა

1. მიმდინარე ადმინისტრაციულ საქმეში (საქმე N3/6667-18) სასარჩელო მოთხოვნას წარმოადგენს:

1.1. ქალაქ თბილისის მუნიციპალიტეტის მთავრობის 2018 წლის 21 სექტემბრის N18.786.1154 განკარგულების (შემდგომში - განკარგულება) (ინდივიდუალური ადმინისტრაციულ-სამართლებრივი აქტი) ბათილად ცნობა;

1.2. ქალაქ თბილისის მუნიციპალიტეტის მერიისა და შპს „თბილისის სატრანსპორტო კომპანიისათვის“ ქმედების განხორციელების დავალდებულება, კერძოდ, მოსარჩელესა და მეორე მოპასუხეს შორის 2017 წლის 15 სექტემბერს გაფორმებული ხელშეკრულების (შემდგომში - ხელშეკრულება) მოქმედების ვადის მთელ პერიოდზე, უფასო და შეღავათიანი მგზავრობის ტარიფით მოსარჩელე ყველა კატეგორიის მოქალაქეთა მონაცემების, მათ შორის ქალაქ თბილისის მუნიციპალიტეტის საკრებულოს 2015 წლის 27 მარტის N6-25 დადგენილებით (შემდგომში - N6-25 დადგენილება) გათვალისწინებული მონაცემების, მომსახურების გაწევისათვის საჭირო ფორმით, სს „საქართველოს ბანკისათვის“ გადაცემა.

2. თბილისის საქალაქო სასამართლოს 2020 წლის 27 თებერვლის გადაწყვეტილებით სრულად დაკმაყოფილდა მოსარჩელის სასარჩელო მოთხოვნა.

3. პირველმა მოპასუხემ და მეორე მოპასუხემ წარადგინეს სააპელაციო საჩივრები.

4. საქმეს განიხილავს თბილისის სააპელაციო სასამართლოს ადმინისტრაციულ საქმეთა პალატა (საქმე N38/155-21).

მორიგების პირობები

წინამდებარე მორიგების აქტის გაფორმებით, მხარეები ვთანხმდებით შემდეგზე:

1. პირველი მოპასუხე და მეორე მოპასუხე ეთანხმებიან სასამართლოს მიერ განკარგულების ბათილად ცნობას და აღიარებენ და ადასტურებენ, რომ მოსარჩელეს აქვს ხელშეკრულებით მინიჭებული და განსაზღვრული ექსკლუზიური უფლება, ხელშეკრულების

მოქმედების ვადის მთელ პერიოდზე, ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-81 დადგენილების (შემდგომში - N20-81 დადგენილება) მე-2 მუხლით დადგენილი, ხელშეკრულების 1.10 პუნქტით განსაზღვრულ საზოგადოებრივ ტრანსპორტში უფასო და შეღავათიანი მგზავრობის ტარიფით მოსარგებლე ყველა კატეგორიის მოქალაქეთათვის გამოსცეს და მართოს სამგზავრო პლასტიკური ბარათი, რომელიც შესაძლოა დამზადებული იქნეს როგორც ხელშეკრულებით განსაზღვრული სატრანსპორტო ბარათის, ასევე, საბანკო პლასტიკური ბარათის ან/და გადახდის სხვა საშუალებების სახით. აღნიშნულიდან გამომდინარე, ამ მორიგების აქტის ძალაში შესვლიდან არაუმეტეს 1 (ერთი) თვის ვადაში პირველი მოპასუხე (ქალაქ თბილისის მუნიციპალიტეტის მთავრობა) გამოსცემს განკარგულებას ამ პუნქტში მითითებული, ხელშეკრულების 1.10 პუნქტით განსაზღვრულ საზოგადოებრივ ტრანსპორტში უფასო და შეღავათიანი მგზავრობის ტარიფით მოსარგებლე მოქალაქეთა სამგზავრო პლასტიკური ბარათების, მათ შორის, სატრანსპორტო და საბანკო პლასტიკური ბარათებისა ან/და გადახდის სხვა საშუალებების ექსკლუზიურად გამოცემაზე და მართვაზე უფლებამოსილ პირად მოსარჩელის განსაზღვრის თაობაზე;

2. მოსარჩელე აცხადებს და ადასტურებს, რომ N20-81 დადგენილების მე-2 მუხლის მეორე პუნქტის „ე“ ქვეპუნქტით გათვალისწინებული პირებისთვის (შემდგომში - პენსიონერები) , მოქმედი კანონმდებლობით დადგენილი გასაცემლების გაცემაზე უფლებამოსილ/დელეგირებულ (შესაბამისი ორგანოს მიერ გამოცხადებული კონკურსის ან სხვა ფორმით) კომერციულ საბანკო დაწესებულებას (შემდგომში - უფლებამოსილი ბანკი), გონივრულ პირობებზე შეთანხმების საფუძველზე, საშუალებას მისცემს, რომ უფლებამოსილი ბანკის მიერ გაცემული საბანკო პლასტიკური ბარათის ან გადახდის სხვა საშუალებების (გარდა სატრანსპორტო ბარათისა, რომლის გამოცემაზე და მართვაზე უფლებამოსილია მოსარჩელე) მფლობელმა პენსიონერებმა ისარგებლონ უფასო და შეღავათიანი მგზავრობის ტარიფით ხელშეკრულების 1.10 პუნქტით განსაზღვრულ საზოგადოებრივ ტრანსპორტში. ამასთან, უფლებამოსილი ბანკის მიერ, ზემოაღნიშნული უფლების განხორციელების მიზნით, მოსარჩელემ საშუალება უნდა მისცეს უფლებამოსილ ბანკს, ხელშეკრულების მე-9 მუხლით დადგენილი და მოსარჩელესა და უფლებამოსილ ბანკს შორის დამატებით განსაზღვრული გონივრული პირობების საფუძველზე, ჩაერთოს საზოგადოებრივ ტრანსპორტში გადახდის ღია სისტემაში. მოსარჩელე ასევე აცხადებს და ადასტურებს, რომ აღნიშნულ პირობასთან დაკავშირებით, მოსარჩელეს, პირველი და მეორე მოპასუხის წინაშე არ აქვს და არც მომავალში წარმოეშობა რაიმე პრეტენზია ან/და მოთხოვნა;

3. პირველი და მეორე მოპასუხე იღებენ ვალდებულებას, ხელშეკრულების მოქმედების ვადის მთელ პერიოდზე, N20-81 დადგენილების მე-2 მუხლის პირველი პუნქტის „ა“ და „ზ“ ქვეპუნქტებით დადგენილი კატეგორიების მქონე პირებთან დაკავშირებით, N6-25 დადგენილებით გათვალისწინებული მონაცემები, მომსახურების გაწევისათვის საჭირო ფორმით, გადასცენ მოსარჩელეს, ხოლო N20-81 დადგენილებით განსაზღვრული სხვა კატეგორიის მქონე პირების მონაცემებთან მიმართებით, საკუთარი უფლებამოსილების ფარგლებში, ხელი შეუწყონ მოსარჩელეს შესაბამისი მონაცემების N6-25 დადგენილების მე-5

მუხლით განსაზღვრული პირებისგან მოპოვებაში. ამასთან, მოსარჩელე, იღებს ვალდებულებას, შესაბამისი ინფორმაციის მიღების მიზნით, ამ მორიგების აქტის ძალაში შესვლიდან არაუმეტეს 1 (ერთი) თვის ვადაში მიმართოს N6-25 დადგენილების მე-5 მუხლით განსაზღვრული პირებს, ხოლო პირველი და მეორე მოპასუხე იღებენ ვალდებულებას, მოსარჩელის მიერ N6-25 დადგენილების მე-5 მუხლით განსაზღვრული პირებისგან ინფორმაციის შეთანხმებული ფორმით მოპოვებამდე, უზრუნველყოფენ შესაბამისი კატეგორიის პირებისათვის სამგზავრო პლასტიკური ბარათის დამზადებას და გაცემას;

4. მოსარჩელე აცხადებს და ადასტურებს, რომ პირველ მოპასუხეს აქვს უპირობო და შეუზღუდავი უფლება, განსაზღვროს ჯერადი და ვადიანი აბონიმენტების პირობები და გამოუშვას ამგვარი აბონიმენტები ხელშეკრულების 1.10 პუნქტით განსაზღვრულ საზოგადოებრივი ტრანსპორტისთვის. ამასთან, პირველი მოპასუხის მიერ დანერგილი ჯერადი და ვადიანი აბონიმენტების დამზადების, გაცემის და შემდგომი ტექნიკური მართვის უფლებამოსილება, გარდა პირველი მოპასუხისა, ენიჭება მხოლოდ მოსარჩელეს, მისი სერვის-ცენტრების, გადახდის აპარატების ან სხვა საშუალებებით. მოსარჩელე ასევე აცხადებს, რომ რეზიდენტი და არარეზიდენტი საბანკო დაწესებულებებს საშუალებას მისცემს, რომ რეზიდენტი და არარეზიდენტი საბანკო დაწესებულებების მიერ გაცემული საბანკო პლასტიკური ბარათის ან გადახდის სხვა საშუალებების (გარდა სატრანსპორტო ბარათისა, რომლის გამოცემაზე და მართვაზე უფლებამოსილია მოსარჩელე) მფლობელებმა ისარგებლონ პირველ მოპასუხის მიერ გამოცემული ჯერადი და ვადიანი აბონიმენტებით ხელშეკრულების 1.10 პუნქტით განსაზღვრულ საზოგადოებრივ ტრანსპორტში. ამასთან, რეზიდენტი და არარეზიდენტი საბანკო დაწესებულებების მიერ, ზემოაღნიშნული უფლების განხორციელების მიზნით, მოსარჩელემ საშუალება უნდა მისცეს რეზიდენტი და არარეზიდენტი საბანკო დაწესებულებებს, ხელშეკრულების მე-9 მუხლით დადგენილი და მოსარჩელის მიერ დამატებით განსაზღვრული გონივრული პირობების საფუძველზე, ჩაერთონ საზოგადოებრივ ტრანსპორტში გადახდის ღია სისტემაში ხელშეკრულების 1.10 პუნქტით განსაზღვრულ საზოგადოებრივ ტრანსპორტში;

5. ამასთან, ყოველგვარი ექვის გამოსარიცხად, მხარეები თანხმდებიან და ადასტურებენ, რომ პირველი მოპასუხის მიერ დანერგილი ჯერადი და ვადიანი აბონიმენტების ექსკლუზიურად დამზადების, გაცემის და შემდგომი ტექნიკური მართვის უფლებამოსილება გულისხმობს ამგვარი აბონიმენტების ელექტრონული ან ფიზიკური ფორმით დამზადებას, გაცემას და შემდგომ ტექნიკურ მართვას ექსკლუზიურად მოსარჩელის სერვის-ცენტრების, გადახდის აპარატების ან სხვა საშუალებებით (მათ შორის, ელექტრონული ან ფიზიკური არხების მეშვეობით);

6. ყოველგვარი ბუნდოვანების აღმოსაფხვრელად, მოსარჩელე ადასტურებს, რომ სხვა რეზიდენტი და არარეზიდენტი კომერციულ ბანკებს აქვთ უფლება, შეუზღუდავად, თავიანთი შეხედულებისამებრ, საკუთარი ხარჯითა და რისკით განსაზღვრონ ჯერადი და ვადიანი აბონიმენტების პირობები და გამოუშვან ამგვარი აბონიმენტები, ხოლო მოსარჩელე ვალდებულია, ხელშეკრულებით დადგენილი პირობების საფუძველზე, ამგვარი ჯერადი და

ვადიანი აბონიშენტები ჩართოს საზოგადოებრივ ტრანსპორტში გადახდის სისტემაში ხელშეკრულების 1.10 პუნქტით განსაზღვრულ საზოგადოებრივ ტრანსპორტში.

7. მოსარჩელე ასევე აცხადებს, რომ რეზიდენტ და არარეზიდენტ საბანკო დაწესებულებებს უფლება აქვთ, რომ მათ მიერ გაცემული საბანკო პლასტიკური ბარათის ან/და გადახდის სხვა საშუალებების (გარდა სატრანსპორტო ბარათისა, რომლის გამოცემაზე და მართვაზე უფლებამოსილია მოსარჩელე) მფლობელებმა უფასოდ იმგზავრონ შესაბამისი გადახდის ოპერაციიდან 90 (ოთხმოცდაათი) წუთის განმავლობაში, როგორც ეს განსაზღვრულია N20-81 დადგენილების მე-3 მუხლით ან/და ისარგებლონ საქართველოს კანონმდებლობით მომავალში პოტენციურად დადგენილი სხვა ნებისმიერი იდენტური/მსგავსი შინაარსის მგზავრობის შეღავათით (რაც არ მოიცავს N20-81 დადგენილების მე-2 მუხლით განსაზღვრულ, ხელშეკრულების 1.10 პუნქტში მითითებულ საზოგადოებრივ ტრანსპორტში უფასო/შეღავათიანი მგზავრობის ტარიფებს/კატეგორიებს). ამასთან, რეზიდენტი და არარეზიდენტი საბანკო დაწესებულებების მიერ, ზემოაღნიშნული უფლების განხორციელების მიზნით, მოსარჩელემ საშუალება უნდა მისცეს რეზიდენტ და არარეზიდენტ საბანკო დაწესებულებებს, ხელშეკრულების მე-9 მუხლით დადგენილი და მოსარჩელის მიერ დამატებით განსაზღვრული გონივრული პირობების საფუძველზე, ჩაერთონ საზოგადოებრივ ტრანსპორტში გადახდის ღია სისტემაში ხელშეკრულების 1.10 პუნქტით განსაზღვრულ საზოგადოებრივ ტრანსპორტში;

8. მხარეები აცხადებენ, რომ აღარ არსებობს ბუნდოვანება ხელშეკრულების პირობების განმარტებასთან დაკავშირებით და შემდგომში აღარ ექნებათ პრეტენზია ხელშეკრულების პირობების განმარტებაზე;

9. მხარეები აცხადებენ და ადასტურებენ, რომ მათ არ აქვთ და არც მომავალში წარმოეშობათ რაიმე პრეტენზია ან/და მოთხოვნის უფლება ერთმანეთის წინაშე, მათთვის ხელშეკრულებისა და ამ მორიგების აქტის საფუძველზე მინიჭებულ უფლებებთან, მათ ფარგლებსა და შინაარსთან დაკავშირებით, გარდა ხელშეკრულებითა და ამ მორიგების აქტით ცალსახად და არაორაზროვნად განსაზღვრული უფლებებისა. მხარეები ასევე აცხადებენ, რომ, თავისი კომპეტენციის ფარგლებში, მიმართავენ ყველა ზომას ამ მორიგების აქტით ნაკისრი ვალდებულებების სრულად და ჯეროვნად შესასრულებლად;

10. თბილისის სააპელაციო სასამართლოში მიმდინარე დავა წყდება ურთიერთშეთანხმებით, წინამდებარე მორიგების დამტკიცების გზით. მხარეები თანხმდებიან, რომ ისინი უარს ამბობენ დავის ფარგლებში ყველა სახის მოთხოვნასა და უფლებაზე და მათ არ აქვთ უფლება ხელმეორედ მიმართონ სასამართლოს დავაზე იმავე მხარეებს შორის, არსებითად იმავე საგანზე და იმავე საფუძველით;

11. ამ მორიგების აქტის პირობების გათვალისწინებით, წინამდებარე დავაში არსებულ და მისგან გამომდინარე მოთხოვნებთან დაკავშირებით, მხარეებს ერთმანეთის მიმართ, პრეტენზიები აღარ ექნებათ;

12. მხარეები აცხადებენ და ადასტურებენ, რომ მათ არ აქვთ და არც მომავალში წარმოეშობათ რაიმე პრეტენზია ან/და მოთხოვნის უფლება ერთმანეთის მიმართ რაიმე სახის ზიანის,

ზარალის, მიუღებელი შემოსავლის ან/და სხვა თანხების/ხარჯების ანაზღაურებასთან დაკავშირებით სასამართლო საქმის (საქმე N3/6667-18) ფარგლებში სასარჩელო მოთხოვნებიდან/სადავოდ გამხდარი აქტებიდან გამომდინარე ან/და მათთან დაკავშირებით;

13. მხარეები თანხმდებიან, რომ არ გაასაჩივრებენ წინამდებარე მორიგების აქტის დამტკიცების შესახებ სასამართლოს განჩინებას და გამოთქვამენ თანხმობას, სასამართლოს განჩინების დაუყოვნებლივ კანონიერ ძალაში შესვლის თაობაზე.

14. მხარეები თანხმდებიან, რომ წინამდებარე მორიგების აქტის გაფორმებიდან არაუგვიანეს 5 (ხუთი) სამუშაო დღის ვადაში, მორიგების აქტი მხარეების ერთობლივი განცხადებით მიმართვის გზით, სასამართლო ადმინისტრაციულ საქმის (N3/6667-18, სააპელაციო სასამართლოს საქმის N3პ/155-21) მორიგებით შეწყვეტის მიზნით, წარედგინება თბილისის სააპელაციო სასამართლოს ადმინისტრაციულ საქმეთა პალატას მის დასამტკიცებლად.

15. მორიგების აქტი ძალაში შედის თბილისის სააპელაციო სასამართლოს ადმინისტრაციულ საქმეთა პალატის მიერ მორიგების დამტკიცებისა და საქმის შეწყვეტის თაობაზე სასამართლოს მიერ მიღებული განჩინების კანონიერ ძალაში შესვლისთანავე.

16. მორიგების აქტზე მხარეთა ხელმოწერები ფორმდება სანოტარო წესით, 5 (ხუთი) ეგზემპლარად, საიდანაც ერთ-ერთი ეგზემპლარი რჩებათ მხარეებს, ერთი ეგზემპლარი - შესაბამის ნოტარიუსს, ხოლო ერთი ეგზემპლარი წარედგინება სასამართლოს.

სს „საქართველოს ბანკის“ წარმომადგენელი

ქალაქ თბილისის მერიის მუნიციპალიტეტის წარმომადგენელი

შპს „თბილისის სატრანსპორტო კომპანიის“ წარმომადგენელი

შეთანხმება

ქ. თბილისი

2021 წელი

- (1) სს „საქართველოს ბანკი“ (ს/ნ: 204378869), შემდგომში („მოსარჩელე“), წარმოდგენილი [●] სახით;
 - (2) მხრივ ქალაქ თბილისის მერიის მუნიციპალიტეტის მერია, წარმოდგენილი [●] სახით (შემდგომში - „პირველი მოპასუხე“),
 - (3) შპს „თბილისის სატრანსპორტო კომპანია“ წარმოდგენილი [●] სახით (შემდგომში - „მეორე მოპასუხე“),
 - (4) სს „თიბისი ბანკი“, (ს/ნ: [●]), შემდგომში („თიბისი ბანკი“), წარმოდგენილი [●] სახით;
- (შემდგომში ერთობლივად - „მხარეები“, ხოლო მოსარჩელე, პირველი მოპასუხე და მეორე მოპასუხე ერთობლივად - „ძირითადი მხარეები“),
- ვდებთ შეთანხმებას შემდეგზე:

პრეამბულა

1. ძირითად მხარეებს შორის მიმდინარე ადმინისტრაციულ საქმეში (საქმე N3/6667-18) (შემდგომში - „დავა“/„საქმე“) სასარჩელო მოთხოვნას წარმოადგენს:
 - 1.1. ქალაქ თბილისის მუნიციპალიტეტის მთავრობის 2018 წლის 21 სექტემბრის N18.786.1154 განკარგულების (შემდგომში - განკარგულება) (ინდივიდუალური ადმინისტრაციულ-სამართლებრივი აქტი) ბათილად ცნობა;
 - 1.2. ქალაქ თბილისის მუნიციპალიტეტის მერიისა და შპს „თბილისის სატრანსპორტო კომპანიისათვის“ ქმედების განხორციელების დავალდებულება, კერძოდ, მოსარჩელესა და მეორე მოპასუხეს შორის 2017 წლის 15 სექტემბერს გაფორმებული ხელშეკრულების (შემდგომში - ხელშეკრულება) მოქმედების ვადის მთელ პერიოდზე, უფასო და შეღავათიანი მგზავრობის ტარიფით მოსარჩელე ყველა კატეგორიის მოქალაქეთა მონაცემების, მათ შორის ქალაქ თბილისის მუნიციპალიტეტის საკრებულოს 2015 წლის 27 მარტის N6-25 დადგენილებით (შემდგომში - N6-25 დადგენილება) გათვალისწინებული მონაცემების, მომსახურების გაწევისათვის საჭირო ფორმით, სს „საქართველოს ბანკისათვის“ გადაცემა.
 - 1.3. თიბისი ბანკმა მიმართა თბილისის საქალაქო სასამართლოს საქმეში N3/6667-18 მესამე პირად ჩაბმის მოთხოვნით, რაც არ დაკმაყოფილდა თბილისის საქალაქო სასამართლოს მიერ 2019 წლის 27 სექტემბრის განჩინებით. აღნიშნული განჩინება თიბისი ბანკის მიერ გასაჩივრდა კერძო საჩივრით თბილისის სააპელაციო სასამართლოში.
2. თბილისის საქალაქო სასამართლოს 2020 წლის 27 თებერვლის გადაწყვეტილებით სრულად დაკმაყოფილდა მოსარჩელის სასარჩელო მოთხოვნა.
3. პირველმა მოპასუხემ და მეორე მოპასუხემ წარადგინეს სააპელაციო საჩივრები.
4. საქმეს განიხილავს თბილისის სააპელაციო სასამართლოს ადმინისტრაციულ საქმეთა პალატა (საქმე N38/155-21).

5. ძირითად მხარეებს შორის ფორმდება მორიგების აქტი შეთანხმების პირობების შესაბამისად. აღნიშნული მორიგების აქტის სასამართლოს მიერ დამტკიცების შემთხვევაში ძირითად მხარეთა შეთანხმებით შეწყდება ადმინისტრაციულ საქმეზე N38/155-21 წარმოება (შემდგომში - „მორიგების აქტი“).

შეთანხმების პირობები

წინამდებარე შეთანხმების გაფორმებით, მხარეები ვთანხმდებიან შემდეგზე:

1. პირველი მოპასუხე და მეორე მოპასუხე ეთანხმებიან სასამართლოს მიერ განკარგულების ბათილად ცნობას და აღიარებენ და ადასტურებენ, რომ მოსარჩელეს აქვს ხელშეკრულებით მინიჭებული და განსაზღვრული ექსკლუზიური უფლება, ხელშეკრულების მოქმედების ვადის მთელ პერიოდზე, ქალაქ თბილისის მუნიციპალიტეტის საკრებულოს 2014 წლის 30 დეკემბრის N20-81 დადგენილების (შემდგომში - N20-81 დადგენილება) მე-2 მუხლით დადგენილი, ხელშეკრულების 1.10 პუნქტით განსაზღვრულ საზოგადოებრივ ტრანსპორტში უფასო და შეღავათიანი მგზავრობის ტარიფით მოსარგებლე ყველა კატეგორიის მოქალაქეთათვის გამოსცეს და მართოს სამგზავრო პლასტიკური ბარათი, რომელიც შესაძლოა დამზადებული იქნეს როგორც ხელშეკრულებით განსაზღვრული სატრანსპორტო ბარათის, ასევე, საბანკო პლასტიკური ბარათის ან/და გადახდის სხვა საშუალებების სახით. აღნიშნულიდან გამომდინარე, ამ მორიგების აქტის ძალაში შესვლიდან არაუმეტეს 1 (ერთი) თვის ვადაში პირველი მოპასუხე (ქალაქ თბილისის მუნიციპალიტეტის მთავრობა) გამოსცემს განკარგულებას ამ პუნქტში მითითებული, ხელშეკრულების 1.10 პუნქტით განსაზღვრულ საზოგადოებრივ ტრანსპორტში უფასო და შეღავათიანი მგზავრობის ტარიფით მოსარგებლე მოქალაქეთა სამგზავრო პლასტიკური ბარათების, მათ შორის, სატრანსპორტო და საბანკო პლასტიკური ბარათებისა ან/და გადახდის სხვა საშუალებების ექსკლუზიურად გამოცემაზე და მართვაზე უფლებამოსილ პირად მოსარჩელის განსაზღვრის თაობაზე;

2. მოსარჩელე აცხადებს და ადასტურებს, რომ N20-81 დადგენილების მე-2 მუხლის მეორე პუნქტის „ე“ ქვეპუნქტით გათვალისწინებული პირებისთვის (შემდგომში - პენსიონერები) , მოქმედი კანონმდებლობით დადგენილი გასაცემლების გაცემაზე უფლებამოსილ/დელეგირებულ (შესაბამისი ორგანოს მიერ გამოცხადებული კონკურსის ან სხვა ფორმით) კომერციულ საბანკო დაწესებულებას (შემდგომში - უფლებამოსილი ბანკი), გონივრულ პირობებზე შეთანხმების საფუძველზე, საშუალებას მისცემს, რომ უფლებამოსილი ბანკის მიერ გაცემული საბანკო პლასტიკური ბარათის ან გადახდის სხვა საშუალებების (გარდა სატრანსპორტო ბარათისა, რომლის გამოცემაზე და მართვაზე უფლებამოსილია მოსარჩელე) მფლობელმა პენსიონერებმა ისარგებლონ უფასო და შეღავათიანი მგზავრობის ტარიფით ხელშეკრულების 1.10 პუნქტით განსაზღვრულ საზოგადოებრივ ტრანსპორტში. ამასთან, უფლებამოსილი ბანკის მიერ, ზემოაღნიშნული უფლების განხორციელების მიზნით, მოსარჩელემ საშუალება უნდა მისცეს უფლებამოსილ ბანკს, ხელშეკრულების მე-9 მუხლით დადგენილი და მოსარჩელესა და უფლებამოსილ ბანკს შორის დამატებით განსაზღვრული

გონივრული პირობების საფუძველზე, ჩაერთოს საზოგადოებრივ ტრანსპორტში გადახდის ღია სისტემაში. მოსარჩელე ასევე აცხადებს და ადასტურებს, რომ აღნიშნულ პირობასთან დაკავშირებით, მოსარჩელეს, პირველი და მეორე მოპასუხის წინაშე არ აქვს და არც მომავალში წარმოემოხა რაიმე პრეტენზია ან/და მოთხოვნა;

3. პირველი და მეორე მოპასუხე იღებენ ვალდებულებას, ხელშეკრულების მოქმედების ვადის მთელ პერიოდზე, N20-81 დადგენილების მე-2 მუხლის პირველი პუნქტის „ა“ და „ზ“ ქვეპუნქტებით დადგენილი კატეგორიების მქონე პირებთან დაკავშირებით, N6-25 დადგენილებით გათვალისწინებული მონაცემები, მომსახურების გაწევისათვის საჭირო ფორმით, გადასცენ მოსარჩელეს, ხოლო N20-81 დადგენილებით განსაზღვრული სხვა კატეგორიის მქონე პირების მონაცემებთან მიმართებით, საკუთარი უფლებამოსილების ფარგლებში, ხელი შეუწყონ მოსარჩელეს შესაბამისი მონაცემების N6-25 დადგენილების მე-5 მუხლით განსაზღვრული პირებისგან მოპოვებაში. ამასთან, მოსარჩელე, იღებს ვალდებულებას, შესაბამისი ინფორმაციის მიღების მიზნით, ამ მორიგების აქტის ძალაში შესვლიდან არაუმეტეს 1 (ერთი) თვის ვადაში მიმართოს N6-25 დადგენილების მე-5 მუხლით განსაზღვრული პირებს, ხოლო პირველი და მეორე მოპასუხე იღებენ ვალდებულებას, მოსარჩელის მიერ N6-25 დადგენილების მე-5 მუხლით განსაზღვრული პირებისგან ინფორმაციის შეთანხმებული ფორმით მოპოვებამდე, უზრუნველყოფენ შესაბამისი კატეგორიის პირებისათვის სამგზავრო პლასტიკური ბარათის დამზადებას და გაცემას;

4. მოსარჩელე აცხადებს და ადასტურებს, რომ პირველ მოპასუხეს აქვს უპირობო და შეუზღუდავი უფლება, განსაზღვროს ჯერადი და ვადიანი აბონიმენტების პირობები და გამოუშვას ამგვარი აბონიმენტები ხელშეკრულების 1.10 პუნქტით განსაზღვრულ საზოგადოებრივი ტრანსპორტისთვის. ამასთან, პირველი მოპასუხის მიერ დანერგილი ჯერადი და ვადიანი აბონიმენტების დამზადების, გაცემის და შემდგომი ტექნიკური მართვის უფლებამოსილება, გარდა პირველი მოპასუხისა, ენიჭება მხოლოდ მოსარჩელეს, მისი სერვის-ცენტრების, გადახდის აპარატების ან სხვა საშუალებებით. მოსარჩელე ასევე აცხადებს, რომ რეზიდენტი და არარეზიდენტი საბანკო დაწესებულებებს საშუალებას მისცემს, რომ რეზიდენტი და არარეზიდენტი საბანკო დაწესებულებების მიერ გაცემული საბანკო პლასტიკური ბარათის ან გადახდის სხვა საშუალებების (გარდა სატრანსპორტო ბარათისა, რომლის გამოცემაზე და მართვაზე უფლებამოსილია მოსარჩელე) მფლობელებმა ისარგებლონ პირველ მოპასუხის მიერ გამოცემული ჯერადი და ვადიანი აბონიმენტებით ხელშეკრულების 1.10 პუნქტით განსაზღვრულ საზოგადოებრივ ტრანსპორტში. ამასთან, რეზიდენტი და არარეზიდენტი საბანკო დაწესებულებების მიერ, ზემოაღნიშნული უფლების განხორციელების მიზნით, მოსარჩელემ საშუალება უნდა მისცეს რეზიდენტი და არარეზიდენტი საბანკო დაწესებულებებს, ხელშეკრულების მე-9 მუხლით დადგენილი და მოსარჩელის მიერ დამატებით განსაზღვრული გონივრული პირობების საფუძველზე, ჩაერთონ საზოგადოებრივ ტრანსპორტში გადახდის ღია სისტემაში ხელშეკრულების 1.10 პუნქტით განსაზღვრულ საზოგადოებრივ ტრანსპორტში;

5. ამასთან, ყოველგვარი ეჭვის გამოსარიცხად, ძირითადი მხარეები თანხმდებიან და ადასტურებენ, რომ პირველი მოპასუხის მიერ დანერგილი ჯერადი და ვადიანი აბონიმენტების ექსკლუზიურად დამზადების, გაცემის და შემდგომი ტექნიკური მართვის უფლებამოსილება გულისხმობს ამგვარი აბონიმენტების ელექტრონული ან ფიზიკური ფორმით დამზადებას, გაცემას და შემდგომ ტექნიკურ მართვას ექსკლუზიურად მოსარჩელის სერვის-ცენტრების, გადახდის აპარატების ან სხვა საშუალებებით (მათ შორის, ელექტრონული ან ფიზიკური არხების მეშვეობით);

6. ყოველგვარი ბუნდოვანების აღმოსაფხვრელად, მოსარჩელე ადასტურებს, რომ სხვა რეზიდენტ და არარეზიდენტ კომერციულ ბანკებს აქვთ უფლება, შეუზღუდავად, თავიანთი შეხედულებისამებრ, საკუთარი ხარჯითა და რისკით განსაზღვრონ ჯერადი და ვადიანი აბონიმენტების პირობები და გამოუშვან ამგვარი აბონიმენტები, ხოლო მოსარჩელე ვალდებულია, ხელშეკრულებით დადგენილი პირობების საფუძველზე, ამგვარი ჯერადი და ვადიანი აბონიმენტები ჩართოს საზოგადოებრივ ტრანსპორტში გადახდის სისტემაში ხელშეკრულების 1.10 პუნქტით განსაზღვრულ საზოგადოებრივ ტრანსპორტში.

7. მოსარჩელე ასევე აცხადებს, რომ რეზიდენტ და არარეზიდენტ საბანკო დაწესებულებებს უფლება აქვთ, რომ მათ მიერ გაცემული საბანკო პლასტიკური ბარათის ან/და გადახდის სხვა საშუალებების (გარდა სატრანსპორტო ბარათისა, რომლის გამოცემაზე და მართვაზე უფლებამოსილია მოსარჩელე) მფლობელებმა უფასოდ იმგზავრონ შესაბამისი გადახდის ოპერაციიდან 90 (ოთხმოცდაათი) წუთის განმავლობაში, როგორც ეს განსაზღვრულია N20-81 დადგენილების მე-3 მუხლით ან/და ისარგებლონ საქართველოს კანონმდებლობით მომავალში პოტენციურად დადგენილი სხვა ნებისმიერი იდენტური/მსგავსი შინაარსის მგზავრობის შეღავათით (რაც არ მოიცავს N20-81 დადგენილების მე-2 მუხლით განსაზღვრულ, ხელშეკრულების 1.10 პუნქტში მითითებულ საზოგადოებრივ ტრანსპორტში უფასო/შეღავათიანი მგზავრობის ტარიფებს/კატეგორიებს). ამასთან, რეზიდენტი და არარეზიდენტი საბანკო დაწესებულებების მიერ, ზემოაღნიშნული უფლების განხორციელების მიზნით, მოსარჩელემ საშუალება უნდა მისცეს რეზიდენტ და არარეზიდენტ საბანკო დაწესებულებებს, ხელშეკრულების მე-9 მუხლით დადგენილი და მოსარჩელის მიერ დამატებით განსაზღვრული გონივრული პირობების საფუძველზე, ჩაერთონ საზოგადოებრივ ტრანსპორტში გადახდის ღია სისტემაში ხელშეკრულების 1.10 პუნქტით განსაზღვრულ საზოგადოებრივ ტრანსპორტში;

8. ძირითადი მხარეები აცხადებენ, რომ აღარ არსებობს ბუნდოვანება ხელშეკრულების პირობების განმარტებასთან დაკავშირებით და შემდგომში აღარ ექნებათ პრეტენზია ხელშეკრულების პირობების განმარტებაზე;

9. ძირითადი მხარეები აცხადებენ და ადასტურებენ, რომ მათ არ აქვთ და არც მომავალში წარმოეშობათ რაიმე პრეტენზია ან/და მოთხოვნის უფლება ერთმანეთის წინაშე, მათთვის ხელშეკრულებისა და ამ შეთანხმების საფუძველზე მინიჭებულ უფლებებთან, მათ ფარგლებსა და შინაარსთან დაკავშირებით, გარდა ხელშეკრულებითა და ამ შეთანხმებით ცალსახად და

არაორაზროვნად განსაზღვრული უფლებებისა. ძირითადი მხარეები ასევე აცხადებენ, რომ, თავისი კომპეტენციის ფარგლებში, მიმართავენ ყველა ზომას ამ შეთანხმებით ნაკისრი ვალდებულებების სრულად და ჯეროვნად შესასრულებლად;

10. ძირითადი მხარეები აცხადებენ და ადასტურებენ, რომ თბილისის სააპელაციო სასამართლოში მიმდინარე დავა წყდება ურთიერთშეთანხმებით, მორიგების დამტკიცების გზით. მხარეები თანხმდებიან, რომ ისინი უარს ამბობენ დავის ფარგლებში ყველა სახის მოთხოვნასა და უფლებაზე და მათ არ აქვთ უფლება ხელმეორედ მიმართონ სასამართლოს დავაზე იმავე მხარეებს შორის, არსებითად იმავე საგანზე და იმავე საფუძველით;

11. თიბისი ბანკი აცხადებს და ადასტურებს, რომ მას ძირითადი მხარეების მიმართ არ აქვს და არც მომავალში წარმოეშობა რაიმე პრეტენზია ან/და მოთხოვნის უფლება ხელშეკრულებისა და ამ შეთანხმების პირობებთან, ასევე, მათ საფუძველზე მოსარჩელისთვის მინიჭებულ უფლებებთან, მათ ფარგლებსა და შინაარსთან დაკავშირებით.

12. ამ შეთანხმების პირობების გათვალისწინებით, დავაში არსებულ და მისგან გამომდინარე მოთხოვნებთან დაკავშირებით, მხარეებს ერთმანეთის მიმართ, პრეტენზიები აღარ ექნებათ;

13. მხარეები აცხადებენ და ადასტურებენ, რომ მათ არ აქვთ და არც მომავალში წარმოეშობათ რაიმე პრეტენზია ან/და მოთხოვნის უფლება ერთმანეთის მიმართ რაიმე სახის ზიანის, ზარალის, მიუღებელი შემოსავლის ან/და სხვა თანხების/ხარჯების ანაზღაურებასთან დაკავშირებით სასამართლო საქმის (საქმე N3/6667-18) ფარგლებში სასარჩელო მოთხოვნებიდან/სადავოდ გამხდარი აქტებიდან გამომდინარე ან/და მათთან დაკავშირებით;

14. თიბისი ბანკმა 2021 წლის 23 მარტს განცხადებით მიმართა თბილისის სააპელაციო სასამართლოს ადმინისტრაციულ საქმეთა პალატას, თბილისის საქალაქო სასამართლოს 2019 წლის 27 სექტემბრის განჩინებაზე წარდგენილ კერძო საჩივარზე უარის თქმის შესახებ. თიბისი ბანკის განცხადება დაკმაყოფილდა თბილისის სააპელაციო სასამართლოს ადმინისტრაციულ საქმეთა პალატის მიერ 2021 წლის 24 მარტის განჩინებით (საქმე N3ბ/115-21).

15. ძირითადი მხარეები თანხმდებიან, რომ წინამდებარე შეთანხმების გაფორმებიდან არაუგვიანეს 5 (ხუთი) სამუშაო დღის ვადაში, მორიგების აქტი ძირითადი მხარეების ერთობლივი განცხადებით მიმართვის გზით, სასამართლო ადმინისტრაციულ საქმის (N3/6667-18, სააპელაციო სასამართლოს საქმის N3ბ/155-21) მორიგებით შეწყვეტის მიზნით, წარედგინება თბილისის სააპელაციო სასამართლოს ადმინისტრაციულ საქმეთა პალატას მის დასამტკიცებლად.

16. წინამდებარე შეთანხმება ძალაში შედის მორიგების აქტის თბილისის სააპელაციო სასამართლოს ადმინისტრაციულ საქმეთა პალატის მიერ დამტკიცებისა და საქმის შეწყვეტის თაობაზე სასამართლოს მიერ მიღებული განჩინების კანონიერ ძალაში შესვლისთანავე.

17. შეთანხმებაზე მხარეთა ხელმოწერები ფორმდება სანოტარო წესით, 5 (ხუთი) ეგზემპლარად, საიდანაც ერთ-ერთი ეგზემპლარი რჩებათ მხარეებს, ერთი ეგზემპლარი - შესაბამის ნოტარიუსს.

სს „საქართველოს ბანკის“ წარმომადგენელი

ქალაქ თბილისის მუნიციპალიტეტის მერიის წარმომადგენელი

შპს „თბილისის სატრანსპორტო კომპანიის“ წარმომადგენელი

სს „თიბისი ბანკის“ წარმომადგენელი
